



**KOMMUNALBESTYRELSEMI
IMMIKKUT ITTUMIK ATAATSIMIINNISSAQ
TALLIMANGORNEQ ULLOQ 26. MARTS 2021 NAL. 09.00**

Peqataasut: Palle Jerimiassen (S), borgmester
Sakio Fleischer (S), borgmesterip sinniisussaa siulleq
Anthon Frederiksen (PN), borgmesterip sinniisussaata tullia
Jørgen Kristensen (S)
Jakob Petersen (S)
Thimothæus Petersen (S)
Ane Marie M. Andersen (S)
Ane Lone Bagger (S)
Jens Danielsen (S)
Jens Kristian Therkelsen (S)
Karl Peter Grim (A)
Aqqalu Jerimiassen (A)
Aqqaluk Heilmann (PN)
Ole Danielsen (PN)
Niels Davidsen (IA)
Regine N. Bidstrup (IA)
Lena Ravn Davidsen (D)

Pisortaaneq: Nick Nielsen
Imaqarniliortoq: Pisortaaneq
Immikkut peqataasut: Pisortaqatigiit
Nutserisut:
Ingerlannera: Telefonikkut

KOM	PINEQARTUT	BILAG
ORI	Ilisimatitsissut	~
21-007	Oqaluuserisassatut siunnersuutit	001
21-008	Qaanaami B 437-mik pisinissamik noqqaassuteqarneq	002
21-009	Qaanaami B 241-p igutserneqarnisaa inuusuttullu inissaat arfinillit	003
21-010	Ilulissat Avannaanut ineriartortitsinissamut pilersaarummik suliaqarneq	004
21-011	Meeqqat pillugit politikki	005
21-012	Inunnik Isumaginninnermut nakkutilliisoqarfiup nalunaarusiaa	006
21-013	Tapiliutitut aningaasaliinissaq pillugu qinnuteqaat, Ilulissani unnuisarfimmit aningaasaliissutit	007
	Matoggasut:	
ORI	Ilisimatitsissut	~
21-014	Kullorsuarmi meeqqanut inuusuttuaqqanullu illumut suliniummut aningaasaateqarfimmit tapiineq	008

Aalajangiineq:

Oqaluuserisassat akuerineqarput. Aqqaluk Heilmann, Jørgen Kristensen, Aqqalu Jerimiassen peqataangillat.

Iisimatitsissut:**Ataatsimiinnissat tulluussarneqarput**

Ataatsimiititaliat ataavartut kommunalbestyrelse-llu ataatsimiinnissaasa ullui tulluussarneqarput aningaasaqarnikkut atortup ingerlalnissaanut kinguaattoorneq peqqutingalungu.

Bilag ORI-01 Ataatsimiinnissat aggersut

Aalajangiineq:

Iisimatitsissut tusaatissatut tinguneqarpoq.

Suliaq nr.	Pineqartoq	Ilanng. nr.	001
KOM 21-007	Oqaluuserisassatut siunnersuutit	Journal nr.	

Uteqqiineq:

Kommunalbestyrelse-imi ilaasortat siunnersuutitik allaffimmut ingerlatittarpaat, suliallu qanoq ingerlanissaannik allattoqarfik nassuiaasarpog.
Uani suliami kommunalbestyrelse ilisimatinneqarpoq siunnersuutit qanoq allaffissornermi ingerlaqqissasut.

Suliap saqqummiunnera:

Kommunalbestyrelse ilaasortat siunnersuutaat suliarineqartussat ataatsimiititaliamut ersarissarneqarput.

#1 Ane Marie M. Andersen (S)

A) Meeqqat Fredericia-liartarnerat 2021-mi covid-19 peqquingalugu ingerlanneqarsinnaanngittoq nalilertariaqarpoq, inassutingaaralu ukiormanna suliaq unitsinneqassasog ingerlataq taamaatinnessaa akuerineqarnissaanut innersuussissalluta. Aningaasat illikartissimasat 2021-mut atungassat, kontot akisussaaffitta ilaanut nuutsissinnaaneri akuerineqarnissaanut innersuuppakka.

Ingerlaqqinnissaq: Suliassaq Oqartussaaqataanermi Ataatsimiititaliamut suliakkiunneqassog, tassani eqqartorneqareeruni Aningaasaqarnermi Ataatsimiititaliamut inaarutaasumik ingerlatinneqassog.

Naammassereersimanissaa: Kingusinnerpaamik ataatsimiititaliani junimi sammineqareersimassog.

B) Qaanami minihal-ip aqqissuunneqarnissaa siunnersuutingineqarpoq. Suliassat annertussusissaa Teknikkeqarfimmit nalunaarsorneqassog, tamannalu pereerpat suliassat ataatsimiititalianut saqqummiunneqassog.

Ingerlaqqinnissaq: Suliassaq Teknikkimut ataatsimiititaliami suliakkiunneqassog.

Naammassereersimanissaa: Kingusinnerpaamik ataatsimiititaliani junimi sammineqareersimassog.

C) Uummannami peqqinneq sunngiffimmilu sulisog ataatsimik ilasariaqarput, maannakkullu sulinermi ulaperujussuarneq ingerlavoq, sulisut maannakkut pingasuusut, ilaatigut stressimik eqqungaasalernerat takussutissat ilangimmassuk.

Upernavimmi sulisut sisamaapput, ajornanngippat allaffimmiumik sulisogalerusupput, maannakkut sulisunit allaffissorneq annertuallaamik piffissaajaataasarmat.

Ingerlaqqinnissaq: Suliassaq Aningaasaqarnermi Ataatsimiititaliamut ingerlatinneqassog suliakkiutaalluni.

Naammassereersimanissaa: Kingusinnerpaamik ataatsimiititaliani junimi sammineqareersimassog.

#2 Sakio Fleischer (S)

Avannaata Kommunua piaartumik Namminersorlutik Oqartussanut oqaloqatiginnittariaqartoq inissianik/illunik Uummannami sanaartortoqarnissaanik. Inissiat/illut attartorneqarsinnaasut sanaartornissaat pisariaqartinneqarput. Uummannami suliarortaluartut arlallit inissaqannginneq pissutingalugu aallaqqittartut maanna takornartaajunnarpoq, taamaattumik kommune Namminersorlutik Oqartussanut oqariartornissaa pisariaqarluinnarpoq.

Ingerlaqqinnissaq: Suliassaq Teknikkimi Ataatsimiititaliamut suliakkiunneqassog.

Naammassereersimanissaa: Kingusinnerpaamik ataatsimiititaliani junimi sammineqareersimassog.

#Ilaasortat sinneri

Ilaasortat siunnersuutingisimasai imaluunniit apeqqutingisimasai suliarineqarlutik naammassineqarsimapput imaluunniit suliarineqarput.

Ingerlariaqqinnissaq

Qulaani siunnersuut taakkartorneqartoq allattoqqarfimmi suliaakkiissutaavoq naammassereernissaanullu ullut killiliunneqartut naapertorlungit ataatsimiititaliani susassaqtumi saqqummiunneqassalluni.

Aningaasaqarnermi kingunerisinnaasat:

Soqanngilaq.

Inatsisitigut tunngavigisaq, toqqammavissiisutullu allagaatit:

Soqanngilaq.

Suliamik isumaginninneq:

Aningaasaqarnermut Ataatsimiititaliaq
Kommunalbestyrelse

Aningaasaqarnermi Ataatsimiititaliami aaliangerneq:

*Aningaasaqarnermi Ataatsimiititaliamut allattoqarfiup inassutigaa
Ataatsimiititaliap ilisimatitsissutit qulaani saqqumminneqartoq tusaatissatut tingussangaa*

Aaliangerneq
Inassuteqaatit akuerineqarput.

Inassuteqaat:

Aningaasaqarnermi Ataatsimiititaliap Kommunalbestyrelse-imut inassutingaa

Aningaasaqarnermi Ataatsimiititaliami aaliangerneq ilalerneqassasoq

Ilanngussat:

Bilag 001-01: Sakio Fleischer, Uummannami inissialiortoqarnissaa

Aalajangiineq:

Inassuteqaat akuerineqarpoq.

Suliaq nr.	Qulequtaq	Ilanngussaq nr.	002
KOM 21-008	Qaanaami B 437-mik pisinissamik noqqaassuteqarneq	Journal nr.	

Uteqqiineq:

Avannaata Kommunia Qaanaami siusinnerusukkut sannaviusimasumik pisinissamik neqeroorummik tigusaqarsimavoq, taanna iluarsartuunneqarsinnaavoq illoqarfimmilu qatserisarfittut nutaatut atorneqarsinnaalluni. Taamaattumik kommunalbestyrelse illup B 437-ip pisiarineqarnissaa pillugu isummeqquneqarpoq.

Suliamik saqqummiussineq:

Qaanaaq qatserisarfimmik nutaamik pisariaqartitsivoq, illu maanna piosoq mikivallaaqimmat kiisalu nungullarsimallunilu ussiimmat. Taamaattumik Kommunalbestyrelsip 2021-mi kr. 2.000.000 qatserisarfimmut nutaamut aningaasaliissutigassalugit aaliangerpoq.

Aaqqiissutissatut siunnersuut – suliamik nalilersuineq

Kommuni B 437-ip pisiarinissaanik tigungisaanillu neqeroorfingeqarpoq, taanna illu sannavittaqarpoq, biilinit unnuisarfeqarpoq, peqqumaasiveqarpoq kiisalu sisamanik sinittarfeqarluni angissusia katillugit 330 m².

Piginnittuuneq aamma piginnittuunermut uppernarsaat kr. 900.000-nik nalilerlugit tunniunneqarsinnaapput. Taamatut pisereernerup kingorna iluarsaassinermut qatserisarfimmullu allannguinnermut atugassanik aningaasaliisutit sulii annertuunik sinneqassapput.

Olietanki, imermut tanki, errorsivik, panersiivik, kissarsuut kallerup innitortoq, tv, nerinermi atortut, pequtit siniffiillu kiisalu maskinat sannatillu arlallit iluarsaassinermi kiisalu Qaanaaq ataatsimut isigalugu iluaqutaasinnaasut, akimut ilaapput.

Upalungaarsimasunit; Sullissiviup aqutsisuanit, Ingerlatsinermut akisussaasumit taamatullu Sanaartornermut Immikkoortortaqarfimmitt nalilerneqarpoq, pisinissaq pitsaasutut isigineqarpoq, illup iluisia piffissap sivikitsup ingerlanerani qatserisarfeqarnikkut pissutsinik pitsangortitsissinnaammat.

Qaanaami nutaanik sanaartorneq pisariullunilu akisuvoq, qatserisarfimmillu naqqaniit pilersitsinissaq ukioq manna pisinnaangilaq, aamma aningaasaliisutit kr. 2.000.000-it iluanni. Tamannali ajornassanngikkaluarpoq Qaanaami B 437-ip pisiarinerani Qaanaamilu qatserisarfinngorlugu allanngortinneratigut.

Taamaassappat nutaamik qatserisarfiliornissamat atugassat, Qaanaamiittut sinnerutissapput. Taakkulli allami atorneqarsinnaassapput, soorlu umiatsialerivinnut nunaqarfinni arlalinni piumasarineqartunut. B 437-mik pisinerup aamma iluarsaassinermup kingorna, sanaartornermi atortut taakku pitsaasunik toqqorsiviliornissaannut aamma/imaluunniit allamat assartornissaannut aningaasaliisutit sulii sinneqarsinnaaneri ilimanarpoq.

Ingerlaqqinnissaq

Illumi immini ilasisoqassanngippat, kisianni iluatungaa iluarsaatiinnarlugu, illut saniliusut ilummut isigisinnaanermik akornusersorneqassanngillat. Kisianni Avannaata Kommuniata pissutsit aaliangersimasut arajutsinnginnissaat qulaakeerniarlugit, illup sanilerisap qaninnerpaap B 407-ip tusarniaaffiginissaa siunnersuutigineqarpoq.

Ataatsimiisitaliap B 437-imik pisinissaq akuerissappagu, suliaq Aningaasaqarnermut Atatsimiititaliamut saqqummiunneqassooq.

Aningaasatigut kingunerisassat:

B 437-mik pisinerup 2021-mi missingersuutit iluanni Qaanaami nutaamik qatserisarfittaarnissap piviusunngortissinneranik periarfissiissooq.

Inatsisitigut tunngavigisaq:

- Pilersaarusionerq aamma nunaminertamik atuineq pillugu Inatsisartut inatsisaat nr. 17 7. november 2010-meersoq.

Suliamik suliarinnineq:

Teknikimut Ataatsimiisitaliaq
Aningaasaqarnermut Ataatsimiisitaliaq
Kommunalbestyrelse

Teknikeqarnermut ataatsimiititaliap aaliangernera:

*Ingerlatsiviup ataatsimiisitaliamut inassutigaa:
Ataatsimiisitaliap Qaanaami B 437-imik pisinissaq akuerissagaa*

Aaliangerneq:
Akuersissutigineqarpoq.

Aningaasaqarnermi Ataatsimiititaliami aaliangerneq:

*Teknikkimut Ataatsimiititaliap Aningaasaqarnermut Ataatsimiititaliamut inassutingaa
Teknikkimut Ataatsimiititaliap inassutaa akuerineqassasoq*

Aaliangerneq
Inassuteqaat akuerineqarpoq.

Inassuteqaat:

Aningaasaqarnermi Ataatsimiititaliap Kommunalbestyrelse-imut inassutingaa

Aningaasaqarnermi Ataatsimiititaliami aaliangerneq ilalerneqassasoq

Ilanngussat:

Bilag 002-01: B 437 nunap assinga & assit

Aalajangiineq:

Inassuteqaat akuerineqarpoq.

Suliaq nr.	Qulequtaq	Tapiliussaq. nr.	003
KOM 21-009	Kommunep illuutaanik, B 241, Qaanaaq, Namminersorlutik Oqartussanut tunniussineq	Journal nr.	

Uteqqiineq:

Økonomiudvalgi qinnuvigineqarpoq isummeqqullugu, kommunep illuutaa B 241 Qaanaamiittup, Namminersorlutik Oqartussanut tunniunneqassanersoq, isaternissaa inuusuttunullu inissiat 6-sit nutaat sanaartornissat siunertaralugu.

Uani kommunalbestyrelse suliap ingerlasimanera pillungu ilisimatinneqarpoq.

Suliat saqqummiunneqarnera:

Namminersorlutik Oqartussat kommunemut saaffiginnissimapput Qaanaami inuusuttunut inissianik 6-nik sanaartornissamik kissaateqarlutik. Kissaataavoq sanaartornerup ukioq manna aallartinnissaa Qaanaamut umiarsuaq siulliup tikinneranut atatillugu, ilisimasat naapertorlugit julip aallaqqaataata missaani pisartumut, ilimagineqarporlu inissiat 2022-mi oktoberip naanerata missaani atorsinnaalernissaat.

Allattoqarfimmiit misissorneqarsimavoq inuusuttunut inissianut inissiiffiusinnaasut arlallit Qaanaamilu sumiiffimmi ataatsimiittitaliaq isumasioqatigalugu, assigiinngitsunilli pissuteqartumik taakku atorneqarsinnaasimangillat. Namminersorlutik Oqartussat siunnersuutigisimavaat B-241 isaterneqassasoq tassani inuusuttunut inissiat inissaqalerniassammata.

B-241 1985-mi sanaajuvoq kommunemillu pigineqarluni. Illu siornatigut ungbo-tut atugaasimasoq maanna inoqangilaq. Allattoqarfiup nalilerpaa illu ima ajortigisoq atorsinnaaqqissaguni tamakkiisumik iluarsaattariaqartoq imaluunniit sanaartoqqittariaqarluni.

Namminersorlutik Oqartussat siunnersuisui isumaqarput illup toqqavia immaqa atoqqissinnaasooq, kisiannili B-241-p isaternissaa inuusuttunut inissialiornermut akittorsaataassasoq. Suliniut aningaasaqarnikkut piffissaliussaasukkullu piviusunngorsinnaassappat, Namminersorlutik Oqartussat kissaatigaat, inuusuttunut inissiat illuliutat uiguleriittut sanaartugaanissaat, ataasiakkaanik 6-inik inissiartallit, immikkut perusuersartarfiqarlutik, uffarfeqarlutik iggaveqartunik.

Aaqqiissutissat siunnersuut – suliamut ilisimasalititut nalilersuut

Siunnersuutit assigiinngitsut misissoreerlugit B-241-p isaternissaa aaqqiissutissatut pitsaasutut isikkoqarpoq, tassami kallerup inneranut imermullu pilersoriaannaamat toqqavissaalu allanngujuvitsuulluni.

Atorneqarsinnaaneralu aamma kommunep pilersaarutaani aaliangersakkanut naapertuulluni. Qaanaami najukkami ataatsimiittitaliap aaliangiussimavaa siunnersuut taanna taperserniarlugu, naak aalaqqaammut inassutigisimangaluarlugu inuusuttunut inissiat immikkoortutut sanaartorneqassasut, ataatsimoortumik uiguleriittut sananagit.

Ingerlariaqqinnissaq

Økonomiudvalgip B-241-p Namminersorlutik Oqartussanut tunniunnessaa akuerivaa, piginnittutut paarlaanneq suliarineqassooq. Tamatuma kingorna Namminersorlutik Oqartussat B-241-p isaternissaa aamma nunaminertap nutaanik inuusuttunut inissialiorfiginissaa qinnuteqaagissinnaalissavai.

Kingunerisassai:

Illu nungullarnikooqisoq inoqanngitsorlu, piffissap ingerlanerani iluarsaanneqanngikkuni sumiiffimmut kusanaallisaaringaluttuinnartussaq, taarserneqassaaq inissianik atorluartussanik nutaajusunik.

Aningaasatigut kingunissai:

Kommunemiit B-241 Namminersorlutik Oqartussanut tunniunneqarpat taakku illup isaternera akilissavaat. Kommunemiit ukiut arlallit illu tuniniarneqartaraluarpoq, pisiarinittoqarusussimangilarli. B-241 Namminersorlutik Oqartussanut tunniunneqarpat kommunip siunissami tunissangaluaruniuk isertitassaraluani

annaassuai. Akerlianilli kommunemiit illumik iluarsaassinissamut aningaasartuuteqassanngilaq.

Inatsisitigut toqqammaviit:

- Pilersaarusionerq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq
- Pilersaarusionerq aamma nunaminertat atorneqartarnerat pillugit Inatsisartut inatsisaata allangortinneqarneranik Inatsisartut inatsisaat nr. 34, 9. december 2015
- Avannaata Kommuneani Pilersaarut 2018-2030

Suliamik isumaginnittoq:

Aningaasaqarnermut ataatsimiittitaliaq
Kommunalbestyrelse

Aningaasaqarnermi Ataatsimiittitaliami aaliangerneq:

*Allattoqarfiup ataatsimiittitaliamut inassutigaa:
Piginnittuunermik paarlaaqatigiittoqassasoq, taamaasilluni B-241 Namminersorlutik. Oqartussanut tunniunneqarluni*

Aaliangerneq
Inassuteqaat akuerineqarpoq.

Inassuteqaat:

Aningaasaqarnermi Ataatsimiittitaliap Kommunalbestyrelse-imut inassutingaa

Ilisimatitsissut tusaatissatut tinguneqassasoq

Tapiliussatut atortussiat:

Bilag 003-01: Inissiiffissatut siunnersuummut takussutissiaq
Bilag 003-02: Sumiiffimmi ataatsimiittitaliap ataatsimiinneranit imaqarniliaq
Bilag 003-03: B-241-mik assilisat
Bilag 003-04: Namm. Oqartussaniik titartakkatut atortussiat (siusinnerusukkut inissiiffissatut siunnersuutissatut suliaasimasut)

Aalajangiineq:

Ilisimatitsissut akuerineqarpoq.

Sag nr.	Pineqartoq	Bilag. nr.	004
KOM 21-010	Ilulissat Avanna-nik ineriartortitsinissamut pilersaarummik suliaqarneq	Journal nr.	

Uteqqiineq:

Ilulissat illoqarfiani sumiiffissanik nutaanik ineriartortitsinermut ataatsimoorussamik pilersaaruteqarnissaq pillugu politikikkikkut kissaatigisamik tunngaveqarluni Ilulissat Avanna-nik ineriartortitsinissamut pilersaarut aallartisarneqarpoq. Pilersaarut tamanut ammasumik tusarniaassutaasimavoq, taamaattumillu ilassutaasumik politikikkikkut ingerlatsisunit suliarineqartussanngorluni piareerpoq.

Uani kommunalbestyrelse-ip pilersaarut taama isikkoqartillungu akueriniarnerlungu isummerfingissavaa.

Suliap saqqummiunnera:

Ilulissani mittarfiup allisaqarnissanik pilersaarutip nassatarisaanik Ilulissat ineriartortinnissaannut ataatsimoorussamik pilersaarutip pisariaqartinnera erseqqissivoq. Siunissami sanaartornermut nunaminertat pisariaqartitat nutaat sumi nassaarineqarsinnaanissaannik pilersaarut nutaaq ersersitsisooq, kiisalu illoqarfiup siunissami ilusissaa ineriartorfissaqarfittullu piukkunnaateqarfii pillugit isumassarsisitsissalluni. Taamaattumik Qaasuitsup Kommunerisimasaanit 2015-imiilli illoqarfiup ineriartortinnissaannut pilersaarut suliarineqalerpoq. 2018-imi NIRAS Avannaata Kommuniani teknikkikkut ingerlatsivimmik suleqateqartillugu suliasinneqarpoq, tamannalu maannakkut pilersaarummik naammassillugu suliarisamik kinguneqartitsivoq. 2020-mi ukiaanerani pilersaarut tamanut ammasumik sapaatip akunnerini arfinilinni tusarniaassutaavoq. Tamatuma saniatigut qarasaasiaq aqquqatigalugu innuttaasunik ataatsimiisitsisoqarpoq.

Pilersaarut tusagassiorfinni eqqartorneqareersimavoq, aammalu ingerlatsiviup aamma naalakkersuisut sinniisaasa, pilersuineramik ingerlatsiviup Nukissiorfiit soqutigisaqatigiillu allat akornanni ataatsimiinnerni isumassarsiffittut, oqallinnermullu tunngavissiatut atorneralereerluni. Pilersaarummi anguniakkat illoqarfimmik ineriartortitsinissamut ingerlatseqatigiiffiup Avannaata Developmentip suliaanut toqqammavissiippat, tassalu illoqarfimmi nunaminertat nutaat sanaartorfigissarnissaannut aningaasaliissutinik pissarsiniarnermut.

Tamanut ammasumik tusarniaanermut atatillugu ingerlatsivik tusarniaanermut akissutinik arfinilinnik tigusaqarpoq, taakkunani pingasut pilersaarummut oqaaseqaatinik imaqaratik. Tusarniaaneq maalaarutinik nassataqartitsisimangilaq, pilersaarusiernerulli ingerlateqqinnerani ingerlatsiviup sianigisassaanik pissutsinut arlalinnik oqaaseqaateqartoqarpoq. Oqaaseqaatit ilanngussaq 2-mi takuneqarsinnaapput.

Iluarsiinissamut siunnersuut – sammisanut tunngatillugu nalilersuineq

Illoqarfioreersup avannaani qanoq ililluni Ilulissat allineqarsinnaanera pilersaarummi suliarineqartumi titartaavigineqarpoq, tamaani 'qilerussaajagassanik' nunatakkullu killissaqarfinnik ikinnerpaanik peqarmat. Tatsip imeqarfiusup eqqaani, kiisalu Nuuaarsummi nunaminertat tikikkuminangaatsiartut sanaartorfigineqanngitsut marluk pilersaarutip annertuumik tunngaveqarfigai. Sumiiffiit taakku marluk imatut atugassiarineqassappat inuussutissarsiorfinnik, illoqarfiup qiteqarfii (akunnittarfiit, pisiniarfik ineqarfiillu) aamma inissiaqarfinnik (blokkinut, uiguleriiaanut ataasiakkaanullu illunut) pilersitsisoqassalluni. Tamakku saniatigut mittarfimmut nutaamik aqqusinissaq, aamma mittarfiulersussap avannaani umiarsualivittut atortorissaarfissanut nutaanut periarfissaq pilersaarummut qitiusutut ilaapput, tamatumunngalu ilaavortaaq siunissami naluttarfiup inissinnissaannut inissaliineq.

Ullumikkut Ilulissat eqqaanniippoq imeqarfimmut pallitsaaliugaq, eqqaavissuaq isumannaallisaanermut killeqarfilik, kiisalu UNESCO-p nunamik allannugtsaaliugaa, tassunga ilaalluni akunnequt. Pilersaarusiame taakku sianigineqarput, aammali sumiiffik tamakkiisoq iluaqutigineqassappat imeqarfimmut pallitsaaliukkap killingata nuunnissaanik, eqqaavissuullu millisinnissaanik, imaluunniit atorunnaarsinnissaanik Ilulissat Avannaata ineriartortinnerata pisariaqartitaqarnera takutinneqarpoq. Pilersaarut imatut suliaavoq ineriartortitsineq ingerlatassani pingasuni pisinnaatillugu. Ingerlatassaq siulleq tassaalluni eqqaavissuup aamma imeqarfimmut pallitsaaliukkap inaanni nikisinneqaratik, aammalu sanaartukkanut nutaanut sumiiffiit mikinerusut pissarsiarineqarsinnaallutik. Ingerlatassat aappaanni imeqarfimmut pallitsaaliugaq nuunneqarpoq, tassani inissianut aamma illoqarfiup qiteqarfiani atuuffinnut, kiisalu mittarfimmut aqqusinermut nutaamut sumiiffiit inissaliillutik. Ingerlatassat pingajuanni eqqaavissuup eqqaani isumannaallisaanermut killingititaaq

atorunnaarsinneqarpoq, Nuuaarsullu ilassutitut akunnittarfinnik, inissianik, kiisalu inuussutissarsiorfinnik sanaartorfígissallugu periarfissaqalerluni.

Kiisalu Taseraasat atuarlugu siunissami ineriartornissamut periarfissaq atugassiarineqarpoq, tamaani aamma inuussutissarsiorfiit umiarsualivissaannut nutaamut sumiiffik atugassiaalluni, kiisalu Oqaatsunut nutaamik aqqusinissaq ilaalluni.

Pilersaarut immikkuualuttortamini pituttuisuusutut paasineqassanngilaq. Illoqarfiup siunissami ineriartortinnissaanut annertunerujussuarmik malittarisassiassanik inissiivoq, aammalu illoqarfimmik kommunimillu iluaqutsiisinnaasup ataatsimoorussatut malittarisassap pilersinnissaanut sakkorineqassaaq. Siunissami immikkoortut ilaannut pilersaarutit ataasiakkaat tamarmik immikkoortillugit tamanut ammasumik tusarniaassutaajuartassapput.

Ingerlariaqqinnissaq

Ilulissat Avannaanut maannakkut pilersaarutaasoq maanna sapaatip akunnerini arfinilinni tusarniaassutaareerpoq. Tamatuma kingornatigut pilersaarut akuersissutigineqarsinnaassappat illoqarfiup ineriartortinnissaanut takkuttussamut malittarisassatut ilaatinneqalissaaq. Avannamut sammivilimmik illoqarfiup ineriartorteqqinnissaa pillugu anguniakkanik piviusunngortitsinissamut, piviusutut immikkoortortat ilaannut pilersaarutit assingusullu amerlanerit aqqutigalugit ingerlatsisoqarfiup suliaq nangeqqinniarpaa. Oqaaseqaataasut tunngavigalugit erseqqissaanernik ataasiakkaanik ingerlatsisoqarfik suliaqarpoq. Pilersaarut akuersissutigineqassappat illoqarfiup ineriartortinnissaanut ingerlatseqatigiiffimmut Avannaa Developmentimut tunniunneqassaaq.

Aningaasaqarnermi kingunerisinnaasat:

Pilersaarut imminermini toqqaannartunik aningaasaqarnermi kingunerisinnaasaqanngilaq. Taamaattorli siunissami aningaasaliisartunik suliaqarnissamut, illoqarfimmik ussassaarinnermut, imeqarfimmut pallitsaaliukkap nuunnissaanut siunissami suliaqarnissamut, kiisalu mittarfinngortussamut aqquserngup uiarteruffiup suliarinneranut pilersaarutit sakkussatut atorneqarsinnaanissaa sianigineqassaaq.

Inatsisitigut tunngavigisaq:

- Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq

Suliamik isumaginninneq:

Teknikkimut Ataatsimiititaliaq
Aningaasaqarnermut Ataatsimiititaliaq
Kommunalbestyrelse

Teknikeqarnermut ataatsimiititaliap aaliangenera:

Allattoqarfiup Teknisk udvalg-mut inassutigaa:

Tamanut ammasumik tusarniaanermut atatillugu oqaaseqaatit tunngavigalugit ingerlatsisoqarfiup ataasiakkaanik erseqqissaassutinik suliaqarnissaa ataatsimiititaliap pisussaaffilissagaa, Pilersaarut ataatsimiititaliap akuersissutigissagaa, aammalu Aningaasaqarnermut Ataatsimiititaliami inaarutaasumik isumaginninnissamut ingerlatsisoqarfik suliamik nangitseqqullugu pisussaaffilissagaa.

Aaliangiineq:

Akuerineqarpoq.

Aningaasaqarnermi Ataatsimiititaliami aaliangerneq:

*Teknikkimut Ataatsimiititaliap Aningaasaqarnermut Ataatsimiititaliamut inassutingaa
Teknikkimut Ataatsimiititaliap inassutaa ilalerneqassasoq*

Aaliangerneq

Imeqarfiup nuunneqarnissaanut aammalu mittarfiup aqputaanut aningaasalersorneqarnissaanut suliaqarnermi Avannaata Kommuniam peqataatinneqarluni ingerlanneqassasoq piumasarineqarpoq. Inassutigineqartoq akuerineqarpoq.

Inassuteqaat:

Aningaasaqarnermi Ataatsimiititaliap Kommunalbestyrelse-imut inassutingaa

Aningaasaqarnermi Ataatsimiititaliami aaliangerneq ilalerneqassasoq

Ilanngussat:

Bilag 004-01: Ilulissat Avannaanut illoqarfiup ineriartortinnissaanut pilersaarut

Bilag 004-02: Tusarniaatitsineq pillugu nalunaarut aamma tusarniaanermut akissutit

Aalajangiineq:

Inassuteqaat akuerineqarpoq.

Sag nr.	Pineqartoq	Bilag. nr.	005
KOM 21-011	Meeqqat pillugit politikki	Journal nr.	

Uteqqiineq:

Avannaata Kommunia pilersinneqarnerata kingorna Kommuni pisussaaffik malillugu meeqqanut politikkimik sulinermi najoqqutassamik politikikkut akuerineqartumik peqartussaavoq. Meeqqanut politikki tunngaviusumik akisussaaffiup iluani ineriartortitsinermik pittanngorsaannermillu kinguneqartussaavoq. Uani suliami ataatsimiititaliat suliarereerlugu kommunalbestyrelse-imut ingerlateqqippaa.

Suliap saqqummiunera:

Ilaqutareeqarnermut ingerlatsiviup ataqatigiissagaanik aamma suleqatigiinnik pilersitsineratigut Avannaata Kommuniani meeqqanut politikkissamat siunnersuusiortoqarpoq, tamanna aamma tusarniutigineqarpoq tusarniaasoqareerneranilu ataatsimiititaliamut ingerlateqqinneqarpoq marts 2019. Meeqqanut politikkip ataatsimiititaliamut ingerlatinneqarnerani Avannaata Kommuniani Kommunalbestyrelsi meeqqanut politikkimut naleqartitanik tulluussarneqarsimasunik aalajangersaasimanginnera tunngavigalungu, siunnersuutigineqarsimasoq kinguartinneqassasoq ataatsimiitsitaliaq aaliangerpoq, suliarlu kingorna ingerlateqqinneqarsimangilaq.

Iluarsiinissamat siunnersuut – sammisamat tunngatillugu nalilersuineq

Ilaqutareeqarnermut Ingerlatsivimminngaanniit politikkip saqqummiuteqqinneqarpoq, politikkip meeqqanut sullissinermi siunnerfeqarnissaq siunertaralugu. Meeqqanut politikkip qulakkeertussaavaa meeqqat kommunimi najugaqartut tunngaviusumik qanoq atugaqarnissaat, tassuunakkullu qulakkeerneqassalluni kommunimi meeqqat atugaasa ineriartornerisalu pitsaasumik tunngavilerneqarnissaat. Meeqqat ineriartornikkut toqqissisimasumik avatagiiseqarnissaat meeqqanut politikkip qulakkiissavaa, arlaatigullu unammillernartunik aqusaagaqartoqassappat meeqqat ilaqutaasullu ikiorserneqartarnissaat aamma qulakkeerneqassalluni. Meeqqanut susasaqarfiit meeqqanut attuumassuteqarfisaminnut suleriutsinik assigiinngitsunik aamma politikki pigineqalerpat qulakkeerinntoqassooq.

Ingerlariaqqinnissaq

Ataatsimiitsitaliap aaliangernera tunngavigalugu politikkip suliarineqarnera ingerlateqqinneqassooq. Ingerlatsiviit meeqqanut attuumassuteqarlutik sullissisut susasaqarfinni suleriutsinik politikki tunngavigalugu suliaqarnerit aallartinneqassappat, naammassineqariarpatalu ataatsimiitsitalianut susasaqarfiusunut saqqummiunneqassallutik.

Aningaasaqarnermi kingunerisinnaasat:

Soqanngilaq.

Inatsisitigut tunngavigisat allagaatillu toqqammavissisut:

- Inuit innarluutillit tapersorneqarnissaannut Inatsisartut inatsisaat nr. 13, 12. juni 2019-imeersoq
- Meeqqat tapersorneqarnissaannut Inatsisartut inatsisaat nr. 20, 26. juni 2017-imeersoq
- Atuarfik pillugu Inatsisartut inatsisaat nr. 15, 3. december 2012-imeersoq
- Meeqqanut suli atualinngitsunut perorsaaniikkut inerikkiartuutaasunik ulluunerani neqeroorutit pillugit Inatsisartut inatsisaat nr. 16, 3. December 2012-imeersoq.

Tunuliaquttatullu atorineqartoq:

FN-ip meeqqat illersorneqarnissaannut isumaqatigiissutaa

Suliamik isumaginnineq:

Ilaqutareqarnermut Ataatsimiititaliaq
Peroriartortitsinerneqmut Ataatsimiititaliaq
Aningaasaqarnermut Ataatsimiititaliaq
Kommunalbestyrelse

Ilaqutareqarnermut Peroriartortitsinerneqmut Ataatsimiititaliaq aaliangerneq:

*Allattoqarfiup Ilaqutareqarnermut Peroriartortitsinerneqmut Ataatsimiititaliamut inassutigaa:
Meeqqat pillugit politikissap tusarniutigineqarnissaa akuerineqassasoq.*

Aaliangerneq:

Inassuteqaat akuerineqanngilaq. Meeqqat tapersorneqarnissaannut Inatsisartut inatsisaat nr. 20, 26. Juni 2017-imeersoq kommuninut pisussaaffillivoq, kommunit tamarmik meeqqat pillugit politikkeqassasut. Meeqqat pillugit politikki akuerineqarpoq, Aningaasaqarnerneqmut ataatsimiititaliamut ingerlateqqinneqarluni.

Aningaasaqarnermi Ataatsimiititaliami aaliangerneq:

*Ilaqutareqarnerneqmut Peroriartortitsinerneqmut Ataatsimiititaliaq Aningaasaqarnerneqmut Ataatsimiititaliamut inassutigaa
Ilaqutareqarnerneqmut Peroriartortitsinerneqmut Ataatsimiititaliaq inassutaa ilalerneqassasoq*

Aaliangerneq

Inassuteqaat akuerineqarpoq.

Inassuteqaat:

Aningaasaqarnermi Ataatsimiititaliaq Kommunalbestyrelse-imut inassutigaa

Aningaasaqarnermi Ataatsimiititaliami aaliangerneq ilalerneqassasoq

Ilanngussat:

Bilag 005-01: Meeqqat pillugit politikki

Aalajangiineq:

Inassuteqaat akuerineqarpoq.

Sag nr.	Pineqartoq	Bilag. nr.	006
KOM 21-012	Inunnik Isumaginninnermut nakkutilliisoqarfiup nalunaarusiaa	Journal nr.	

Uteqqiineq:

Avannaata Kommuniiani nakkutilliisoqarsimanerata kingorna nalunaarusiami uparuaatigineqarsimasunut akissutit Ilaqutareeqarnermut Ingerlatsivimminngaannit suliarineqarput, akissutillu sananeqartut ataatsimiititalianeereerluni inaarutaasumik kommunalbestyrelse-imut ingerlaqqippoq.

Suliap saqqummiunnera:

Isumaginninnermut, Ilaqutariinnut Inatsisinillu Atuutsitsinermut Naalackersuisoqarfik Avannaata kommuniani september oktober 2020 nakkutilliinermik suliaqarnikuuvoq.

Illoqarfiit Upernavik Ilulissallu isumaginninnermi sullissinera nakkutilliivigineqarnikuulluni, taassumalu nalunaarusiorneqarnera Avannaata kommuniata 21. januar 2021 tigunikuua. Nalunaarutip tigunerata kingorna kommuni qaammatit marluk qaangiunnerini uparuaataasunut akissutinik nalunaarusioqquneqarsimavoq, taakkualu Ingerlatsivimminngaanniit suliarineqareerlutik ataatsimiitsitaliamut saqqummiunneqarput. Nakkutilliinermi nalunaarusiap kommunimit tiguneqarnerata kingorna, Ilaqutareeqarnermut ataatsimiititaliamut ilisimatitsissutitut saqqummiunneqarnikuuvoq, uanilu saqqummiunneqartut tassaallutik nakkutilliinermi nalunaarusiami uparuarneqartut pillugit najoqqutarineqartut akissuteqarfineqarnerat.

Ingerlariaqqinnissaq

Nakkutilliinermi nalunaarusiami aaqqiissutissatut siunniunneqartut ataatsimiititaliamit akuersissutigineqarpata Ingerlatsivimminnganniit suliarineqarneri nangeqqinneqassapput, taakkualu nakkutilliisoqarfimmu akissutigineqarlutik saqqummiunneqassallutik.

Aningaasaqarnermi kingunerisinnaasat:

Soqanngilaq.

Inatsisitigut tunngavigisat aamma toqqammavissiisutut allagaatit:

- Isumaginnittoqarfiup aqunneqarnera aqqiissuussaanelu pillugit Inatsisartut peqqussutaanni nr. 11, 12. november 2001-imeersoq.

Suliamik isumaginninneq:

Ilaqutareeqarnermut ataatsimiititaliaq.
Aningaasaqarnermut ataatsimiititaliaq.
Kommunalbestyrelse.

Ilaqutareeqarnermut Ataatsimiititaliap aaliangerna:

Ingerlatsivimminngaanniit Ilaqutareeqarnermut Ataatsimiititaliamut inassutingaa Akissutissatut saqqummiunneqartut akuereqqullugit.

Aaliangiineq:

Inassuteqaatigineqartut akissutissat saqqummiunneqartut akuerineqarput. Akissuteqaatini pkt. 21-mi immikkut atorfinittisinnaaneq ataatsimiitsitaliamut ilaasortamit Jens Kristian Therkelsen-mik kissaatigineqarluni oqariartutigineqarpoq, sullissinerup pitsaasumik ingerlanneqarnissaa eqqarsaatigalungu.

Aningaasaqarnermi Ataatsimiititaliami aaliangerneq:

*Ilaqutareeqarnermut Ataatsimiititaliap Aningaasaqarnermut Ataatsimiititaliamut inassutingaa
Ilaqutareeqarnermut Ataatsimiititaliap inassutaa ilalerneqassasoq*

Aaliangerneq

Inassutigineqartoq akuerineqarpoq.

Aningaasaqarnermut Ataatsimiititaliap inunnik isumaginittogarfimmi sullissisunik marlunnik
Kommunalbestyrelsimut inassuteqassasoq.

Inassuteqaat:

Aningaasaqarnermi Ataatsimiititaliap Kommunalbestyrelse-imut inassutingaa

Aningaasaqarnermi Ataatsimiititaliami aaliangerneq ilalerneqassasoq

Ilanngussat:

Bilag 006-01: Nalunaarusiamut akissutissatut siunnersuut

Bilag 006-02: Nalunaarusiaq

Aalajangiineq:

Inassuteqaat akuerineqarpoq.

Nakkutilliisoqarfimmiit nalunaarusiap tinguneraniit suliniutit aallartinneqarnikuupput.

**Akisussaaffiup iluani allaffissornerup ingerlanneqarneranut periusissiamik nalornissutaanngittumik
tamanillu atorneqarsinnaasumik suliaqartoqartariaqarpoq, sulisunut annertuumik ilitersuinerit
ingerlanneqartariaqarput, sulisullu atungaat pittanngorsarneqarlutik. Pinaveersaartitsineq
innutaasunillu qaammarsaaneq ukkatigineqarnissaa piumasarineqarpoq.**

**Kommunalbestyrelse-imut ersarissumik periusissanut pilersaarutit takutinneqassapput, uani
qulakkeerneqassamat akisussaaffiup iluani ineriartuutaasumik sulisoqarnissaa.**

Sag nr.	Pineqartoq	Bilag. nr.	007
KOM 21-013	Tapiliutitut aningaasaliinissaq pillugu qinnuteqaat, Ilulissani unnuisarfimmit aningaasaliissutit	Journal nr.	

Uteqqiineq:

Suliniummumt naammassisamut, Ilulissani unnuisarfimmut atatillugu aningaasaliissutinik atorneqanngitsunik peqarpoq. Uummannami arsaattarfiup ivigaasaarartalikkap ungaluukkiornissaanut, aamma Ilulissani eqqaavissuarmi eqqakkanillu tigooraasarfimmi iluarsiinernut atatillugit immikkut aningaasartuutaasut matussusernissaannut aningaasaliissutit taakku atorneqarnissaat Ingerlatsiviup qinnutigai. Una suliaq ataatsimiititaliani suliarineqareerluni inaarutaasumik kommunalbestyrelse-imit aaliangiiffingineqassooq.

Suliap saqqummiunnera:

Ilulissani nutaamik unnuisarfiliormik suliniut naammasseqqammersoq 2021-mut sanaartornissamut missingersuusiani sinneqartoortunik 1,4 mio. kr.-nik kinguneqartitsisimavoq. Missingersuusiorfittut ukiup naanerani sinneqartoortuutaasut taakku atorneqassanngikkunik kommunip ataatsimoorussamik karsianut nakkassapput. Taamaattorli konto 7-imi aningaasaliissutinik amigaateqartunik suliniutinik peqarpoq, ilaalluni Uummannami arsaattarfiup ivigaasaarartalikkap nutaap ungaluugaliornissaa, taamaattumillu siorna missingersuummit pisiarineqareersimasut ungaluukkiassamut atortut sanaartorlugillu ivertiternissaannut 900.000 kr.-nik nuussisoqarnissaq qinnutigineqarpoq. Aningaasaliissutit sinneri 500.000 kr.-t Ilulissani eqqaavissuarmik aamma eqqakkanik tigooraasarfimmik saliinissamut/pitsanngorsaanissamut, siorna ikualattoqarneranut atatillugu misilittagarisani atorsinnaajunnaarsimasunut nuunneqarnissaat qinnutigineqarput.

Iluarsiinissamut siunnersuut – sammisanut tunngatillugu nalilersuineq

Ilulissani unnuisarfimmit aningaasaliissutit sinneruttut kr. 1.400.000-it nuunnerisigut Uummannami ungaluukkanut kr. 900.000-inik sanaartormut aningaasartuutit matussuserneqarsinnaassapput, kiisalu Ilulissani eqqaavilerinermik pissutsit kr. 500.000-it atorlugit pisariaqartumik pitsanngorsarsinnaassallutik. 2020-p naanerani unnuisarfimmut immikkut aningaasaliissutit kr. 1,4 mio. akuersissutigineqarmata taamanikkulli 2021-mi suliniutini allani aningaasaliissutaasut taakku atorluarneqarsinnaajumaartut sianigeqquneqareerpoq, ilaalluni Uummannami arsaattarfimmut ungaluugarpiaq, kiisalu Ilulissani eqqaavissuarmi eqqakkanillu tigooraasarfimmi pitsanngorsaanerit (ilanngussaq 2 takuuk).

Ingerlariaqqinnissaq

Tapiliutitut aningaasaliissuteqarneq pillugu qinnuteqaammik Ataatsimiititaliaq akuersissuteqassappat inassutaasoq Aningaasaqarnermut Ataatsimiititaliami suliarisassanngorlugu ingerlaqqissaq. Tassani, aammalu Kommunalbestyrelsimi akuersissuteqarnerit nassatarissavaat Ilulissani unnuisarfimmit sinneqartoortit Uummannami arsaattarfiup ivigartalikkap ungaluukkiormeranni aningaasartuutinik matussusiinissaat, aammalu Ilulissani eqqaavissuup eqqakkanillu tigooraasarfiup pitsanngorsarnissaat.

Aningaasaqarnermi kingunerisinnaasat:

Konto 74-62-20-50-01-imit konto 75-64-50-50-01-imut kr. 900.000-it nuunneqassasut.
 Konto 74-62-20-50-01-imit konto 72-72-60-50-01-imut kr. 500.000-it nuunneqassasut.
 Konto 7-imi annertunerusumik tamakkiisumik atuisoqarneramik nuussinerit nassataqassanngillat, tassaaginnassallutilli aningaasaliissutinik nutaamik agguasoqarnerit.

Suliamik isumaginnineq:

Teknikkimut Ataatsimiititaliaq
Aningaasaqarnermut Ataatsimiititaliaq
Kommunalbestyrelse

Teknikeqarnermut ataatsimiititaliap aaliangerera:

*Ataatsimiititaliamut Aqutsisoqarfiup inassutigaa:
Tapiliutitut aningaasaliissutit pillugit Aqutsisoqarfiup inassutaanik Ataatsimiititaliaq akuersissasoq.*

Aaliangiineq:
Akuerineqarpoq.

Aningaasaqarnermi Ataatsimiititaliami aaliangerneq:

*Teknikkimut Ataatsimiititaliap Aningaasaqarnermut Ataatsimiititaliamut inassutingaa
Teknikkimut Ataatsimiititaliap inassutaa ilalerneqassasoq*

Aaliangerneq
Inassuteqaat akuerineqarpoq.

Inassuteqaat:

Aningaasaqarnermi Ataatsimiititaliap Kommunalbestyrelse-imut inassutingaa

Aningaasaqarnermi Ataatsimiititaliami aaliangerneq ilalerneqassasoq

Ilanngussat:

Bilag 007-01: Tapiliutitut aningaasaliineq pillugu qinnuteqarnissamut immersugassaq
Bilag 007-02: UIAM 13-20 imaqarniliaq

Aalajangiineq:

Inassuteqaat akuerineqarpoq.

Ataatsimiinneq naavoq nal.: 11.39

Atsiorfissaq:

Palle Jerimiassen, (S)

Ane Lone Bagger, (S)

Sakio Fleischer, (S)

Jørgen Kristensen, (S)

Jakob Petersen, (S)

Susanne K. Eliassen, (S)

Ane Marie M. Andersen, (S)

Jens Kristian Therkelsen, (S)

Jens Danielsen, (S)

Karl Markussen, (A)

Aqqaluk Heilmann, (PN)

Aqqalu Jerimiassen, (A)

Anthon Frederiksen, (PN)

Ole Danielsen, (PN)

Bendt B. Kristiansen, (IA)

Regine N. Bidstrup, (IA)

Lena Ravn Davidsen, (D)
